

壁經堂外集上卷

新津胡 淦安瀾

戲擬玉皇實行陽歷令

乃者陰歷陽歷。歲月參差。迎年送年。亞歐歧異。遂使
神仙洞府。赴會難諧。牛女鵲橋。佳期易誤。筵開王母。
宴識何時。壽祝仙姑。行難定日。蟠桃修會。歲歲愆期。
凌霄序班。年年異日。非上界法。失普通規。朕甚閔焉。
方今萬國同風。五洲共體。九天仙佛。三教神祇。陽歷
實行。陰歷宜廢。嗣後傳燈釋子。守舊弗宜。謂臘月八
和尙受戒
上表竈神。提前有準。秦軍胡帥。柏葉椒花。舍舊謀新。
爭先罔後。頒千秋令。爲百神宗。天國三年乙丑一月。

東京大學
東洋文化研究所所藏
漢籍善本全文影像資料庫

書名 壁經堂外集二卷續編二卷 民國三年胡氏刊本；(續編)民國五年刊
撰者 胡澹 撰
卷 卷首
內容分類 集-別集-近人
索書號 雙紅堂-戲曲-379
編號 D7791300

[彩色首頁1](#)

[東洋文化研究所漢籍目錄 編號: D7791300](#)

[東洋文化研究所漢籍目錄所藏漢籍善本全文影像資料庫 索書號: 雙紅堂-戲曲-379](#)

[漢籍善本全文影像資料庫文本壁經堂外集二卷續編二卷 民國三年胡氏刊本；\(續編\)民國五年刊](#)

版權所有: [東京大學 東洋文化研究所](#)

[使用上的注意事項](#)

0 1 2 3 4 5 6 7 8 9

双紅堂
戲曲
379



薛子經堂

外集

曾蘭署

5



科3045-(17)

敘

文以傳道。昭昭乎與日月爭光者。惟羣經稱最。然仲尼莞爾。不諱戲言。衛武筵賓。厥有謔語。俗儒讀揚馬。逐貧子。虛美人。諸賦。慢不加審察。輒譏刺古人。輕薄爲文。嗷嗷不已。獨于經籍所載。則又曲爲之解。彼豈不知文武之道。張弛異時。所以期期不可者。是殆囿于所見。若非此。卽不足以鳴高也。而安瀾宗先生。猶然笑之。知天下滔滔。不可歸以莊語。乃肆其詼諧。發爲文章。汪洋曼衍。藉以風世。所著壁經堂外集二卷。時詭其人其事。用意在顯晦間。幾不可究詰。及虛而與之委蛇。並窮其所終極。其寄託則軒豁呈露。隨在

中華民國三年
二月刊行

皆可以逆而得之。譬諸橄欖。其味未必適口。而香生齒頰。轉在咀嚼之餘。雖主文譎諫。聞者足戒。未知于風詩之旨何如。然其虛辭濫說。引之節儉。尙比古人。與馬卿揚雲後先輝映矣。

中華民國三年一月宗愚弟威遠胡翼素民謹敘



敘

自楚騷輟響。莫或抽緒。駢文鬱起。代有傳人。然宋工四六。莊而不諧。明擅青詞。頌而忘諷。穀人芥子。賓谷維崧。麗句連翩。究傷卑弱。負聲振采。闕其無聞。新津胡子。宿通羣經。著述等身。詮發疑滯。四十以後。耽玩詞章。駢體一門。獨推秀水。煙霞萬古。遙結幽賞。撰成外集。多涉遊戲。珠媚玉輝。難自韜晦。一藁甫脫。傳寫絡繹。洛陽紙貴。宜讓左思。烏兔不居。深思散落。爰倩手民。付諸剞劂。賤子不才。謬與讐校。披覽數過。竊有感焉。古詩三千。芟存三百。聖賢發憤。乃託詩歌。野田草露。求其友生。風雨雞鳴。所思君子。溝猶詹儒。昧厥

旨趣。奮筆武斷。斥爲淫奔。沈迷乞今。疇申古契。茲編所傳。半係豔體。菊部花叢。品隲都徧。摛文鏤彩。紅紫成章。一孔之見。將嫌狎嫖。夫錦城絲管。藉刺花卿。香草美人。聊紆荃愛。蝶夢入化。蒙莊寓言。蟠桃三偷。曼倩玩世。繡其輦輓。悠悠我思。外集之作。遠循涂轍。大雅衰歇。子其嗣音。齎測管窺。弁於卷首。世有識者。其味余言。同學弟簡陽方于彬撰。



序

天生一沈博絕麗之才。必賦以駿邁無前之氣。惟才足以任其氣。亦惟氣足以使其才。氣雖囿於一編。才遂臻於獨到。唐宋以降。才人輩出。杜少陵雄於詩。而餒於文。曾子固優於文。而絀於詩。吾蜀蘇子瞻。詩古文詞。橫絕百代。而波乃水皮。鳩爲九鳥。說經究多虛造。求其宏總眾流。並皆佳妙者。實不數覩。新津胡君安瀾。爲尊經老宿。積書至五千餘卷。提要鉤玄。獨標心悟。尤覃精於盲左之學。一切訓詁攷据。眎同苴塊。甲辰以後。始學爲詞章。初涉藝文。升堂睹奧。精理秀氣。互相映發。良由所蓄既厚。發而爲文。故遂應絃合

轍也。著有左傳輯要十二卷。左傳五十凡例證八卷。左傳敘事二十四法二卷。壁經堂初集散文二卷。二集駢文四卷。外集二卷。楹聯四卷。桑麻閒話二卷。觀鑒思潮二卷。其餘未成之稿尚夥。清儒全謝山云。明末名人皆有內外兩集。其內集舉不輕以示人。胡君所著鎔鑄金史。博而能通。白雪陽春。曲高和寡。遠懷鮎埼。當自珍闕。至外集二卷。純係遊戲駢文。眾香如海。羣玉成山。雖涉綺語之嫌。終符寓言之旨。見豹一文。已知其猛。見鳳一毛。已知其采。見胡君之外集。已知其經史詞章。兼擅其勝者也。若捐篋韞櫝。何以饜當世文人之望。乃勸以是稿先付梓人。而序於簡端。

同學弟青神帥正邦





壁經堂外集目次

上卷

令表

戲擬玉皇實行陽歷令

戲擬廣寒宮花捐令

戲擬公園逃虎令

戲擬門神辭職表

狀

戲作起發太太離婚狀 判附

戲作起發老爺訴狀

保釋妓女何玉卿狀 批附



戲擬馮可卿控王可卿冒名狀 批附

戲擬王可卿辯冤狀

戲擬客伶呈懇免逐東方鳳狀

檄

戲擬狐討虎檄

戲作閩閩府討驪神檄

序

贈某君為愛妾梳頭序

戲贈王如玉一齣奪錦標序

下卷

序

戲贈靈芝草登臺一笑序

戲贈伶界女狀元銀雙處序

贈漢上牟玉卿序

戲贈京班劉松樵慣做古今愁序

戲贈蓋山西一個可憐蟲序

戲贈京班周蕙芳心有靈犀序

戲贈小客串序

書

戲擬嫦娥與后羿絕情書

戲擬東方鳳與客伶書

文冊 贊 銘 問答

戲擬天足嘲小足文

戲冊粉菊花管領羣仙園文

戲擬月老贊

并序

戲擬羣仙園銘

并序

戲擬朝片毛錐子問答



壁經堂外集上卷

新津胡 淦安瀾

戲擬玉皇實行陽歷令

乃者陰歷陽歷歲月參差。迎年送年。亞歐歧異。遂使神仙洞府。赴會難諧。牛女鵲橋。佳期易誤。筵開王母。宴識何時。壽祝仙姑。行難定日。蟠桃修會。歲歲愆期。凌霄序班。年年異日。非上界法。失普通規。朕甚閔焉。方今萬國同風。五洲共體。九天仙佛。三教神祇。陽歷實行。陰歷宜廢。嗣後傳燈釋子。守舊弗宜。謂臘月八和尙受戒上表竈神。提前有準。秦軍胡帥。柏葉椒花。舍舊謀新。爭先罔後。頒千秋令。為百神宗。天國三年乙丑一月。